



Bosna i Hercegovina
Federacija Bosne i Hercegovine
Hercegovačko-neretvanski kanton/županija
Ministarstvo trgovine, turizma i zaštite okoliša

Босна и Херцеговина
Федерација Босне и Херцеговине
Херцеговачко-неретвански кантон/жупанија
Министарство трговине, туризма и заштите околиша

Broj: 01-19-292/26
Mostar, 20.04.2026. godine

Na osnovu člana 48. stav (2) Zakona o zaštiti okoliša („Službene novine FBiH“, broj: 15/21) i člana 9. stav (1) i člana 11. stav (1) Uredbe o strateškoj procjeni uticaja strategije, plana ili programa na okoliš i obimu, sadržaju i ocjeni strateške studije („Službene novine FBiH“, broj: 12/25), ministar trgovine, turizma i zaštite okoliša donosi

ODLUKU

o provođenju strateške procjene uticaja na okoliš Strategije razvoja turizma Hercegovačko-neretvanskog kantona za period 2026. - 2034. godine

I

Donošenjem ove Odluke započinje provođenje strateške procjene uticaja na okoliš Strategije razvoja turizma Hercegovačko-neretvanskog kantona za period 2026. - 2034. godine (u daljnjem tekstu: Strategija).

II

Nositelj pripreme Strategije iz tačke I ove odluke je Ministarstvo trgovine, turizma i zaštite okoliša (u daljnjem tekstu: Ministarstvo), koje je istovremeno i nadležno ministarstvo za provođenje postupka strateške procjene.

III

Donošenje Strategije iz tačke I ove odluke propisano je Zakonom o razvojnom planiranju i upravljanju razvojem u FBiH („Službene novine FBiH“, broj: 32/17). Strategiju donosi Skupština HNK na period od osam godina, a nadzor nad provođenjem Strategije obavlja Ministarstvo. Cilj izrade Strategije je izrada dokumenta koji će dati pregled postojećeg stanja u oblasti turizma, te jasne smjernice za unaprijeđenje konkurentnosti, održivosti i otpornosti turističkog sektora kako bi se obezbjedio ravnomjerniji teritorijalni razvoj, te osiguralo da koristi turizma budu vidljive i mjerljive za lokalnu zajednicu, privredu i javne finansije.

IV

Radnje koje će se provesti u postupku procjene uticaja na okoliš Strategije provode se u skladu sa Zakonom o zaštiti okoliša i Uredbom o strateškoj procjeni uticaja strategije, plana ili programa na okoliš i obimu, sadržaju i ocjeni strateške studije, okvirnim redoslijedom provođenja kako je utvrđeno u Prilogu I ove Odluke.

V

U postupku strateške procjene Strategije na okoliš prema ovoj Odluci učestvovati će organi navedeni u Prilogu II ove Odluke.

VI

Ministarstvo je dužno osigurati informisanje i učešće javnosti u skladu sa odredbama Zakona o zaštiti okoliša i Uredbom o strateškoj procjeni uticaja strategije, plana ili programa na okoliš i obimu, sadržaju i ocjeni strateške studije.

VII

Odluka stupa na snagu danom donošenja.

Dostavljeno:

- Sektor zaštite prirode i okoliša
- a/a



PRILOG I

Okvirni redosljed radnji koje će se provesti u postupku strateške procjene uticaja na okoliš Strategije razvoja turizma Hercegovačko-neretvanskog kantona za period 2026. - 2034. godine

1. Nakon pripreme ove Odluke, Ministarstvo istu postavlja na službenu internet stranicu u cilju informisanja javnosti i zainteresovane javnosti u pitanjima zaštite okoliša.
2. Na osnovu Odluke o provođenju strateške procjene Ministarstvo započinje postupak odabira nosioca izrade strateške studije i donosi odluku o izboru nosioca izrade strateške studije u skladu sa Zakonom o javnim nabavkama („Službeni glasnik BiH“, broj: 39/14, 59/22 i 50/24).
3. U postupku određivanja sadržaja i obima strateške studije, Ministarstvo će u saradnji sa nosiocem izrade strateške studije izraditi nacrt odluke o sadržaju i obimu strateške studije nakon čega će od javnosti i zainteresovanih organa i organizacija koji su navedeni u Odluci o provođenju strateške procjene, pribaviti mišljenje o nacrtu odluke o sadržaju i obimu strateške studije koja sadrži podatke koji se moraju obraditi u poglavljinama strateške studije. Javnost i zainteresovani organi i organizacije dužni su dostaviti mišljenje Ministarstvu u roku od 15 dana od dana zaprimanja zahtjeva za davanje mišljenja. Ako mišljenje ne bude dostavljeno u propisanom roku, smatrat će se da nema dodatnih zahtjeva vezanih za zaštitu okoliša koje je potrebno uvažiti u nacrtu odluke o sadržaju i obimu strateške studije.
4. Ministarstvo je dužno, u svrhu usaglašavanja mišljenja o sadržaju i obimu podataka koji se moraju obraditi u poglavljinama nacrta strateške studije i utvrđivanja konačnog sadržaja strateške studije, osigurati konsultativni sastanak, na kojem će biti prisutni predstavnici zainteresovanih organa i organizacija i javnosti koji su dostavili primjedbe na nacrt odluke o sadržaju i obimu strateške studije, nosilac izrade strateške studije i nosilac izrade Plana.
5. Ministarstvo, nakon provedenog konsultativnog sastanka, donosi odluku o sadržaju i obimu strateške studije i informira javnost objavljivanjem te odluke na svojoj službenoj web stranici.
6. Ministarstvo dostavlja nosiocu izrade strateške studije odluku o sadržaju i obimu strateške studije, koji započinje izradu nacrta strateške studije kada mu nosilac izrade Strategije obezbijedi dovoljno podataka na osnovu kojih se može početi sa izradom nacrta strateške studije.
7. Ocjenu nacrta strateške studije vrši komisija za ocjenu strateške studije iz člana 56. Zakona o zaštiti okoliša. Ministarstvo odmah po donošenju rješenja o imenovanju dostavlja na ocjenu komisiji nacrt strateške studije uz koji prilaže i nacrt Strategije u skladu sa Poslovníkom o radu komisije. Komisija daje ocjenu nacrta strateške studije u roku od 30 dana od dana zaprimanja dokumentacije. Ovaj rok za ocjenu strateške studije može se produžiti za još maksimalno 30 dana.
8. Ako komisija utvrdi da je nacrt strateške studije cjelovit i stručno utemeljen, komisija na prvoj sjednici donosi konačnu ocjenu nacrta strateške studije, u obliku izvještaja.

Kada komisija na prvoj sjednici predloži da se nacrt strateške studije dopuni, odnosno doradi, Ministarstvo će zatražiti od nosioca izrade strateške studije da izvrši dopunu, odnosno doradu strateške studije. Rok za dopunu, odnosno doradu ne može biti duži od 15 dana. Komisija, nakon što utvrdi da je strateška studija potpuna i stručno utemeljena, daje usaglašenu i konačnu ocjenu nacrta strateške studije u roku od 15 dana od dana zaprimanja dopunjenog nacrta strateške studije. Ministarstvo na osnovu konačne ocjene nacrta strateške studije izrađuje izvještaj o konačnoj ocjeni nacrta strateške studije koji sadrži načine koja pitanja zaštite okoliša moraju biti integrisana u Strategiju i dostavlja ga nosiocu izrade Strategije. Nosilac izrade Strategije dužan je sve prijedloge zaštite okoliša i prijedloge plana provođenja i praćenja stanja okoliša ugraditi u nacrt Strategije prije početka postupka javnih konsultacija iz članova 21. do 25. Uredbe o strateškoj procjeni uticaja, strategije, plana iii programa na okoliš i obimu, sadržaju i ocjeni strateške studije.

9. Nakon donošenja izvještaja o konačnoj ocjeni nacrta strateške studije, Ministarstvo osigurava učešće javnosti u postupku razmatranja nacrta strateške studije i nacrta Strategije, te dostavlja zainteresiranim organima i organizacijama nacrt Strategije i nacrt strateške studije u skladu sa odredbama Zakona o zaštiti okoliša i odredbama Uredbe o strateškoj procjeni uticaja, strategije, plana iii programa na okoliš i obimu, sadržaju i ocjeni strateške studije.
10. Ministarstvo će po utvrđenom mogućem prekoentitetskom i prekograničnom uticaju Strategije postupiti u skladu sa odredbama Zakona o zaštiti okoliša i odredbama Uredbe o strateškoj procjeni uticaja, strategije, plana iii programa na okoliš i obimu, sadržaju i ocjeni strateške studije i informisati javnost.
11. Ministarstvo organizuje javnu raspravu na nacrt strateške studije i nacrt Strategije. Nakon provedenih konsultacija sa zainteresovanim organima, organizacijama i javnosti u javnoj raspravi, Ministarstvo će sva mišljenja, primjedbe i prijedloge dostaviti na očitovanje nosiocu izrade strateške studije i nosiocu izrade Strategije. Nosilac izrade strateške studije i nosilac izrade Strategije donose usaglašeno mišljenje o konačnim obavezujućim mjerama zaštite okoliša.
12. Ministarstvo je dužno izraditi izvještaj o provedenoj strateškoj procjeni, a o donesenom izvještaju i Strategiji, Ministarstvo će obavjestiti javnost, zainteresovane organe i organizacije i druge organe koji su učestvovali u postupku strateške procjene i konsultacija, odnosno mišljenja druge države ako su vršene, sa naznakom internet lokacije na kojoj su objavljeni dokumenti iz člana 28. stav (4) Uredbe o strateškoj procjeni uticaja, strategije, plana iii programa na okoliš i obimu, sadržaju i ocjeni strateške studije i datumom objavljivanja.

PRILOG II

Lista zainteresiranih organa i organizacija koje će sudjelovati u postupku strateške procjene:

Federalno ministarstvo okoliša i turizma

Grad Mostar

Grad Konjic

Grad Čapljina

Grad Stolac

Općina Neum

Općina Jablanica

Općina Čitluk

Općina Ravno

Općina Prozor-Rama

Turistička zajednica HNK

TZ gradova i općina

Turistički klaster Hercegovina

Ministarstvo poljoprivrede, šumarstva i vodoprivrede HNK

Ministarstvo građenja i prostornog uređenja HNK

Ministarstvo privrede HNK

Zavod za zaštitu kulturno-historijske baštine Hercegovačko-neretvanskog kantona